

ARBITRAŽNA ODLUKA ZA DRVAR

Visoki predstavnik, Wolfgang Petritsch, i ambasador Robert Barry, šef misije OSCE-a, izdali su obavezujuću Arbitražnu odluku za općinu Drvar. Odluka se izdaje nakon povlačenja Konačne ovjere za Drvar 2. avgusta 1999. god. od strane ambasadora Barryja, u skladu sa pravilima i propisima Privremene izborne komisije.

Iako je prošlo više od godinu dana od kada je, u martu 1998. god., Drvaru data Konačna ovjera, potpuno funkcioniranje izvršnih općinskih organa vlasti još uvijek nije postalo stvarnost.

Načelnik općine Mile Marčeta je dao veliki doprinos povratku izbjeglica i raseljenih osoba u Drvar. Međutim, sprječeno mu je da izvršava svakodnevne dužnosti koje zahtijeva njegova funkcija, zbog incidenta prošle godine kada je na njega bio izvršen fizički napad i zbog daljnjih prijetnji njegovoj sigurnosti.

Predsjednik Općinskog vijeća, Borivoj Malbašić, je sazvao samo jednu sjednicu Općinskog vijeća.

U interesu funkcioniranja općine, te nakon pažljivog razmatranja, Visoki predstavnik i ambasador Barry su sa žaljenjem donijeli odluku da smjenu g. Marčetu sa mjesta načelnika općine. Na ovu poziciju su imenovali g. Momčila Bajića iz Koalicije za Drvar. S obzirom na poteškoće sa kojima se g. Marčeta suočavao u toku svoje načelničke službe, ne zabranjuje mu se obavljanje drugih javnih funkcija. I Visoki predstavnik i ambasador Barry izražavaju pohvale za hrabre napore koje je uložio g. Marčeta da osigura povratak u Drvar, te ga podstiču da i dalje bude uključen u proces povratka.

Visoki predstavnik i ambasador Barry su smijenili Borivoja Malbašića sa mjesta Predsjednika općinskog vijeća. Novi predsjednik će biti imenovan iz reda kandidata koje će

predložiti HDZ na sljedećoj sjednici Općinskog vijeća, koju će zakazati zamjenik Predsjednik vijeća.

Ured Visokog predstavnika i Misija OSCE su svijesni da je ključni faktor za funkcioniranje općine Drvar stvaranje pozitivnog i funkcionirajućeg odnosa između općine i Kantonalne vlade. Dosadašnji angažman dužnosnika HDZ-a i na općinskom i na kantonalnom nivou nije bio odgovarajući. Visoki predstavnik i ambasador Barry su duboko razočarani opstrukcionističkim ponašanjem HDZ-a u cijelom procesu vršenja vlasti.

Arbitražna odluka za Općinu Drvar je proces i njeno provođenje će se pažljivo pratiti.

Primjerci Arbitražne odluke se mogu dobiti u Uredu visokog predstavnika na telefon 071-447-275 ili u Misiji OSCE-a na telefon 071-292-338.